

HELAIAN PENDEDAHAN PRODUK	Etiqa General Takaful Berhad ("Kami")
Sila baca Helaian Pendedahan Produk ini sebelum anda membuat keputusan untuk menyertai RiderCare PA Takaful . Pastikan anda juga membaca terma-terma dan syarat-syarat am.	RiderCare PA Takaful Tarikh : 01/03/2024

1. Apakah produk ini?

Produk ini adalah pelan kemalangan diri asas yang menyediakan perlindungan terhadap kematian, hilang upaya kekal dan tunai ihsan akibat kemalangan.

2. Apakah konsep-konsep Syariah yang digunakan?

Wakalah

Produk ini menggunakan konsep wakalah (perwakilan), di mana para peserta melantik kami untuk bertindak bagi pihak mereka untuk melabur dan menguruskan Dana Takaful Am (Dana). Para peserta juga bersetuju untuk memberikan kuasa kepada kami untuk mewakilkan hak, tanggungjawab dan kewajipan kepada mana-mana pihak ketiga sebagaimana yang dianggap sesuai oleh kami bagi mencapai objektif untuk melabur dan menguruskan Dana tersebut dengan syarat, bagi perwakilan ini, kami akan tetap bertanggungjawab terhadap semua hak, tanggungjawab dan kewajipan terhadap para peserta. Sebagai ejen, kami berhak menerima fi wakalah sebagai caj perkhidmatan.

Tabarru'

Pelan ini juga menggunakan konsep Tabarru' (derma), di mana para peserta bersetuju untuk menderma atau menyumbang sumbangan mereka kepada Dana bagi tujuan saling membantu dan menolong mana-mana peserta lain yang memerlukan bantuan berdasarkan peristiwa yang telah dipersetujui terlebih dahulu. Pada akhir setiap tahun kewangan, sebarang lebihan dalam Dana, tolak pembayaran balik defisit bersejarah dan peruntukan luar jangka, dan tertakluk kepada polisi lebihan yang diluluskan oleh Jawatankuasa Syariah kami, 50% akan dikongsi antara peserta yang sijilnya belum ditamatkan dan yang belum membuat tuntutan dalam tahun kewangan, dan 50% kepada kami kerana mengendali dan menguruskan Dana, berdasarkan kontrak Ju'alah. Ju'alah ialah kontrak ganjaran yang menentukan pengagihan perkongsian lebihan. Jika lebihan itu kurang daripada RM10.00, lebihan itu akan dimasukkan ke dalam tabung kebajikan yang akan digunakan sebagai 'Amal Jariah' bagi pihak peserta. Tabung kebajikan akan diagihkan kepada penerima yang layak sebagaimana yang diluluskan oleh Jawatankuasa Syariah kami untuk tujuan kebajikan.

3. Apakah perlindungan / manfaat yang disediakan?

Perlindungan / manfaat adalah seperti berikut:

SEKSYEN MANFAAT	Jumlah Manfaat di dalam Ringgit Malaysia (RM)			
	Pelan 1	Pelan 2	Pelan 3	Pelan 4
1. Kematian akibat kemalangan	5,000	10,000	15,000	20,000
2. Hilang Upaya Kekal akibat kemalangan	5,000	10,000	15,000	20,000
3. Tunai Ihsan	500	500	500	500

Nota:

- Tempoh Takaful adalah satu (1) tahun. Anda perlu memperbaharui sijil takaful setiap tahun.
- Sila rujuk sijil takaful untuk maklumat lanjut berkenaan manfaat-manfaat di atas.
- Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

4. Berapakah jumlah sumbangan yang perlu saya bayar?

Jumlah sumbangan yang anda perlu bayar adalah berbeza berdasarkan pelan yang anda pilih seperti di bawah:

Sumbangan Asas Tahunan (RM)			
Pelan 1	Pelan 2	Pelan 3	Pelan 4
13.00	26.00	38.00	51.00

Semua sumbangan (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuda cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran sumbangan.

5. Apakah fi dan caj yang perlu saya bayar?

Jenis	Amaun
Fi Wakalah	45% daripada sumbangan termasuk: <ul style="list-style-type: none"> • 25% Komisen dibayar kepada ejen • 20% Perbelanjaan pengurusan
Cukai Perkhidmatan	8% daripada sumbangan
Duti Setem	RM10.00

6. Apakah terma-terma dan syarat-syarat penting yang harus saya ambil perhatian?

Kepentingan Pendedahan

- Menurut Perenggan 5 daripada Jadual 9 Akta Perkhidmatan Kewangan Islam 2013, jika anda memohon takaful ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon takaful ini). Anda dikehendaki menjawab soalan-soalan dalam Borang Permohonan ini dengan lengkap dan tepat.

- b. Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak takaful anda, keengganan atau pengurangan gantri, perubahan terma atau penamatkan kontrak takaful anda.
- c. Kewajipan pendedahan di atas hendaklah diteruskan sehingga kontrak takaful anda dimeterai, diubah atau diperbaharui dengan kami.
- d. Sebagai tambahan kepada soalan-soalan di dalam Borang Permohonan (atau semasa memohon takaful ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- e. Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak takaful anda ditandatangi, diubah atau diperbaharui dengan kami (atau semasa permohonan takaful ini), apa-apa maklumat yang dinyatakan dalam Borang Permohonan tidak tepat atau sudah berubah.

Kelayakan – Hanya warganegara Malaysia, penduduk tetap Malaysia atau penduduk yang bekerja dan tinggal secara sah di Malaysia dengan umur minimum 16 tahun hingga 65 tahun. Sijil ini boleh diperbaharui secara tahunan mengikut pilihan kami sehingga umur 70 tahun. Sijil ini akan tamat apabila anda mencapai umur 71 tahun.

Tunai Sebelum Perlindungan (CBC) – Sumbangan hendaklah dibayar sebelum tarikh sijil berkuatkuasa.

Perlindungan Kerja-kerja Pejabat atau Di Luar Waktu Bertugas – Jika pekerjaan atau anda terlibat dengan senarai pekerjaan yang dinyatakan, perlindungan di bawah sijil ini akan diberikan dengan syarat:

- a. Anda ditugaskan untuk melakukan tugas-tugas pejabat atau dalam pejabat sahaja; atau
- b. Anda di luar waktu bertugas dan/atau selamat kembali ke daratan pada masa kemalangan dan kecederaan badan tidak timbul semasa melaksanakan pekerjaan anda atau apa-apa aktiviti yang berkaitan dengan pekerjaan anda.

Senarai Pekerjaan:

- a. ketenteraan, pertahanan awam, penguatkuasa undang-undang, ahli bomba atau pengawal keselamatan/pegawai;
- b. krew penerangan, krew kapal, krew carigali minyak, penyelam atau nelayan;
- c. pelombongan, pembalakan, pengilangan papan, kerja-kerja kayu atau kerja-kerja bawah tanah;
- d. perobohan/pemusnahan, peletupan atau kuari;
- e. aktiviti-aktiviti atau kerja yang melibatkan perancah (*scaffolding*), gondola, tali atau kabel; atau
- f. pengendalian bahan letupan, gas beracun atau berbahaya, cecair atau bahan pejal;

Tuntutan – Semua tuntutan hendaklah dimaklumkan kepada kami secepat mungkin tidak melebihi 30 hari selepas kejadian yang melayakkan anda untuk membuat tuntutan ke atas sijil. Sila kemukakan kepada kami semua dokumen yang berkaitan untuk menyokong tuntutan anda. Sebarang dokumen atau bukti yang diperlukan oleh kami untuk mengesahkan tuntutan tersebut perlu dikemukakan kepada kami atas perbelanjaan anda sendiri.

Nota: Senarai ini adalah tidak menyeluruh. Sila rujuk sijil untuk senarai penuh terma-terma dan syarat-syarat.

7. Apakah pengecualian-pengecualian di bawah sijil ini?

Sijil ini tidak melindungi kematian atau hilang upaya yang disebabkan oleh mana-mana yang berikut:

- a. Memandu atau menunggang tanpa lesen memandu yang sah atau di bawah pengaruh alkohol dan dadah;
- b. Penyertaan atau cubaan untuk menyertai aktiviti yang menyalahi undang-undang, bunuh diri atau kecederaan yang sengaja dilakukan;
- c. Perang, serangan, pemberontakan, dan tindakan keganasan;
- d. Kecacatan atau keuzuran fizikal dan mental yang sedia ada;
- e. Terlibat di dalam sukan, pekerjaan atau aktiviti-aktiviti berbahaya;

Nota: Senarai ini adalah tidak lengkap. Sila rujuk sijil untuk senarai penuh pengecualian di bawah sijil ini.

8. Bolehkah saya membatalkan sijil saya?

Anda boleh membatalkan sijil dengan memberi notis bertulis kepada kami. Semasa pembatalan, Anda akan menerima bayaran balik sebahagian sumbangan, tertakluk kepada sumbangan simpanan Ringgit Malaysia Dua Puluh Lima (25.00), dengan syarat anda tidak pernah membuat tuntutan semasa tempoh takaful.

9. Apakah yang perlu saya lakukan sekiranya terdapat perubahan maklumat perhubungan atau peribadi?

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya. Adalah juga penting untuk anda memaklumkan kepada kami tentang sebarang perubahan dalam profil hayat anda termasuk pekerjaan anda dan aktiviti peribadi yang akan menjelaskan profil risiko.

10. Di manakah saya boleh mendapatkan maklumat lanjut?

Sekiranya anda mempunyai sebarang pertanyaan, sila hubungi kami di:

Etiqa General Takaful Berhad (201701025031)

(Dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia)

Aras 13, Menara B, Dataran Maybank

No. 1, Jalan Maarof

59000 Kuala Lumpur, Malaysia

Nombor Telefon: +603 2297 3888

Nombor Faksimile: +603 2297 3800

Etiqa Oneline: 1300 13 8888

E-mel: info@etiqqa.com.my

Laman Web: www.etiqqa.com.my

11. Lain-lain jenis perlindungan takaful Kemalangan Diri yang boleh didapati.

Sila rujuk kepada ejen atau cawangan kami untuk jenis perlindungan serupa yang ditawarkan.

NOTA PENTING:

ANDA DINASIHATKAN MERUJUK SKALA MANFAAT UNTUK KEMATIAN DAN HILANG UPAYA DI DALAM SIJIL TAKAFUL ANDA. ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG SIJIL KEMALANGAN DIRI YANG TELAH ANDA SERTAI. ANDA MESTI MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU HUBUNGI CAWANGAN KAMI UNTUK MAKLUMAT LANJUT.

Maklumat yang terkandung dalam helaian pendedahan ini adalah sah pada 01/03/2024.